



AGored

Newyddlen CYSAG Sir Ddinbych a Chonwy

Rhifyn 2: Haf 2022

HELO

a chroeso i AGored, y cylchlythyr sy'n ategu gwaith y CYSAGau yn Siroedd Dinbych a Chonwy. Dyma'r ail rifyn. Yn y rhifyn cyntaf, eglurwyd rôl a phwrpas y CYSAG a'r angen am gylchlythyr. Gallwch weld y rhifyn cyntaf yma. Yn ddiweddar, cyhoeddwyd '[Llawlyfr i Aelodau CYSAG yng Nghymru](#)' gan Gymdeithas CYSAGau Cymru. Mae'r canllaw defnyddiol hwn yn darparu manylion hefyd am bwrpas a rôl y CYSAG lleol.

I gael gwybodaeth am Gwricwlwm i Gymru 2022, gallwch ywlio'r [sesiwn hyfforddi](#) hon sy'n 35 munud o hyd ac a drefnwyd gan Awdurdod Lleol Sir Ddinbych.



Addysg Grefyddol a'r Cwricwlwm Newydd

Cyhoeddwyd y Cwricwlwm i Gymru ar 28 Ionawr 2020. Eglurwyd y newid o Addysg Grefyddol i Grefydd, Gwerthoedd a Moeseg (CGM) yn y rhifyn blaenorol. Mae Crefydd, Gwerthoedd a Moeseg yn un o bum disgyblaeth benodol sydd ym Maes Dysgu a Phrofiad y Dyniaethau sy'n cynnwys Daearyddiaeth, Hanes, Astudiaethau Cymdeithasol ac Astudiaethau Busnes. Addysgir Crefydd, Gwerthoedd a Moeseg i'r holl blant mewn ysgolion cynradd ac efallai i ddysgwyr blwyddyn 7 o fis Medi 2022.

Gall ysgolion uwchradd ohirio addysgu'r cwricwlwm newydd tan fis Medi 2023. Os bydd ysgol uwchradd yn dewis gwneud hynny, bydd yn addysgu'r cwricwlwm newydd, yn cynnwys CGM, ym mlwyddyn 7 ac ym mlwyddyn 8 ym Medi 2023. Bydd ysgolion uwchradd yn parhau i addysgu'r cwricwlwm presennol, yn cynnwys y Maes Llafur Cytunedig presennol, i ddisgyblion ym mlwyddyn 8 ym Medi 2022 a bydd y cwricwlwm cyn 2022 yn eu dilyn drwy gydol eu hamser mewn addysg uwchradd orfodol. Enw'r cwricwlwm presennol yw [Cwricwlwm Cymru 2008](#) a gellir ei weld ar wefan Hwb (yn gywir ar adeg ysgrifennu hyn).

Yr Hawl i Dynnu yn Ôl

Ni fydd hawl i dynnu disgybl yn ôl o addysg Crefydd, Gwerthoedd a Moeseg, ond bydd rhieni sydd â phlant yn derbyn yr Addysg Grefyddol bresennol (e.e. Blwyddyn 8, 9, 10 ac 11 ym Medi 2022) yn parhau i fod â'r hawl i dynnu eu plentyn yn ôl o Addysg Grefyddol. Gall hyn olygu y bydd rhieni'n gallu tynnu dysgwyr yn ôl ym mlwyddyn 10 ond nid ym mlwyddyn 7.

Addysg Crefydd, Gwerthoedd a Moeseg Ôl-16 Orfodol

Bydd addysg CGM ôl-16 orfodol yn cael ei dileu o fis Medi 2027, er y caiff disgyblion ofyn am ddarpariaeth CGM a rhaid i'r ysgol ufuddhau i gais o'r fath. I gael rhagor o fanylion am yr hawl i dynnu yn ôl ac am CGM Ôl-16, gweler [Cwricwlwm i Gymru: crynodeb o'r ddeddfwriaeth](#).

Canllawiau Crefydd, Gwerthoedd a Moeseg a'r Maes Llafur Cytunedig .

Mae'r [Cwricwlwm i Gymru](#) newydd ar gael ar wefan Hwb. Mae'n cynnwys yr holl wybodaeth y bydd ar ysgol ei hangen i gynllunio ei chwricwlwm. Mae'n cynnwys y newidiadau mewn deddfwriaeth a gwybodaeth am yr holl elfennau gorfodol, yn cynnwys y Pedwar Diben, y Meysydd Dysgu a Phrofiad a'r Disgrifiadau Dysgu. Mae maes penodol ar gyfer y [Dyniaethau](#). Yn y maes hwn, mae adran 5, o'r enw [Cynllunio eich cwricwlwm](#), yn amlinellu'r cysyniadau a chyd-destunau disgyblaethol penodol ar gyfer pob un o bum pwnc y Dyniaethau.

Mae Crefydd, Gwerthoedd a Moeseg, fel Addysg Grefyddol, yn parhau'n bwnc sy'n cael ei benderfynu'n lleol, felly mae pob Awdurdod Lleol yn gyfrifol am gytuno ar faes llafur i'w ysgolion lleol. Mae Llywodraeth Cymru wedi cyhoeddi [canllawiau ar Grefydd, Gwerthoedd a Moeseg](#) y mae'n rhaid i bob Awdurdod Lleol eu hystyried wrth lunio ei Faes Llafur Cytunedig. Mae CYSAGau Conwy a Sir Ddinbych wedi mabwysiadu cynnwys y canllawiau hyn fel Maes Llafur Cytunedig. Bydd y Maes Llafur Cytunedig ar gael ar wefannau awdurdodau lleol Conwy a Sir Ddinbych, ond cynghorir ysgolion i ddilyn y canllawiau ar CGM ar wefan Hwb wrth iddynt gynllunio'r meysydd CGM yn eu cwricwlwm.

Efallai y byddwch wedi methu'r rhain:



Agored Cymru: Archwilio Bydolygon

Mae Agored Cymru wedi datblygu

'Archwilio Bydolygon', set o gymwysterau lefel 1 a 2 sy'n hyrwyddo dealltwriaeth o fydolygon crefyddol ac anghrefyddol. Mae'r cymhwyster yn cwrrdd â'r tri sgil craidd sydd wedi'u nodi yn y fframwaith enghreifftiol (y cwricwlwm presennol), ac mae'n darparu cyfleoedd i archwilio cysyniadau ar gyfer CGM drwy'r datganiadau o'r hyn sy'n bwysig ym maes dysgu a phrofiad y Dyniaethau yn y Cwricwlwm i Gymru (y cwricwlwm newydd). Nid yw wedi'i fwriadu i gymryd lle'r TGAU Astudiaethau Crefyddol bresennol. Fodd bynnag, bydd yn cwrrdd â'r angen am gymhwyster cydnabyddedig hygyrch gan ganiatáu i'r ysgol gyflawni ei rhwymedigaeth statudol yng Nghyfnod Allweddol 4. [Cliciwch yma](#) i gael rhagor o fanylion.



Mae **Canolfan San Silyn** yng nghanol Wrecsam yng Ngogledd Ddwyrain Cymru ar dir Eglwys Blwyf drawiadol San Silyn. Mae'n ganolfan sy'n darparu cymorth CGM (RVE) arbenigol ac addoli ar y cyd i athrawon yn Wrecsam gan weithio mewn partneriaeth â'r Awdurdod Lleol. Mae gwefan y Ganolfan yn cael ei diweddarau gyda digwyddiadau cyfredol sy'n berthnasol i CGM yng Nghymru. Mae'r adran ['Dysgu Profesiynol'](#) yn cynnwys erthyglau newyddion, fideos hyfforddi a blogiau ysgrifenedig sy'n ymdrin â diweddariadau hanfodol am yr hyn sy'n digwydd ym myd CGM yng Nghymru, yn Lloegr ac ar draws Ewrop. [Cliciwch yma](#) i gael mynediad i'w gwefan.

Mae CYSAGau lleol yn cwrrdd dair gwaith bob blwyddyn. Mae gwybodaeth ar gael am gyfarfodydd y CYSAG ar wefan yr Awdurdod Lleol.

Mae Sir Ddinbych yn chwilio am athrawon i ymuno â'i CYSAG. Lleoedd sy'n wag ar hyn o bryd ar gyfer athrawon:

- Pennaeth Ysgol Gynradd
- Athro/Athrawes Dosbarth Cynradd

I weld y Maes Llafur Cytunedig presennol ac adnoddau ar gyfer Addysg Grefyddol a chydaddoli, ymunwch â Rhwydwaith Hwb Addysg Grefyddol Gogledd Cymru ... <https://hwb.gov.wales/go/d8tfh3> a/neu grwpiau Microsoft TEAMS Conwy neu Sir Ddinbych. Anfonwch e-bost i lordp2@hwbcymru.net i gael rhagor o wybodaeth.

Adnoddau :



Hwb - Datblygiad Proffesiynol CGM

Mae Cymdeithas CYSAGau Cymru wedi bod yn gweithio mewn partneriaeth i ddatblygu cyfres o fodiwlau Dysgu Proffesiynol ar CGM yn y cwricwlwm

newydd. Bydd 10 rhestr chwarae ar gael yn ystod Tymor yr Hydref 2022. Bydd y pump cyntaf yn ymdrin â 'Beth sy'n Newydd' ar gyfer uwch arweinwyr ac athrawon mewn ystod o leoliadau ysgol a disgwylir iddynt gael eu cyhoeddi ddechrau mis Medi. Bydd rhestri chwarae ar y sgiliau traws-gwricwlaidd, dilyniant, asesu ac addysgeg yn dilyn yn ddiweddarach yn y tymor.



16+ Herio Materion Crefyddol

Mae Herio Materion Crefyddol yn gyfnodolyn ar gyfer myfyrwyr ac athrawon Astudiaethau Crefyddol UG a Safon Uwch. Mae hefyd yn adnodd defnyddiol i unrhyw un sydd eisiau datblygu neu loywi eu erthyglau mynediad agored mewn

cyfnodolion wedi'u cyhoeddi yn y cyfnodolyn hyd yn hyn gan gynnwys erthyglau a ysgrifennwyd gan ysgolheigion ac ymarferwyr blaenllaw. Mae'r erthyglau'n gysylltiedig â manylebau Safon Uwch Astudiaethau Crefyddol. Mae'r erthyglau'n rhyngweithiol drwy ddefnyddio 'pwyntiau trafod' a dolenni byw i wefannau allanol perthnasol. Mae pob rhifyn ar gael yn Gymraeg a Saesneg. Mae Canolfan San Silyn wedi ariannu a rheoli'r fersiwn Gymraeg o rifyn 14 ymlaen. [Cliciwch yma](#) i weld Herio Materion Crefyddol o wefan San Silyn.

Lleoedd sy'n wag ar hyn o bryd ar gyfer athrawon:

- Athro/Athrawes Dosbarth Cynradd
- Athro/Athrawes Ysgol Arbennig

Please contact LordP2@hwbcymru.net if you are interested or want more information

Cylchlythrau i ddod: Hoffem gynnwys erthyglau am arferion da ar gyfer Addysg Grefyddol a Chydaddoli ledled Gogledd Cymru. Os hoffech gyfrannu i Reach, cysylltwch â LordP2@hwbcymru.net



AGored